



Terenga 5: Hōtaka 2 – Te Pū ‘ai’

He Mihi

Nā ngā hau e whā koutou i pupuhi mai ki roto ki te whare nei o Ako. Rarau mai ki tōna papa, ki ōna pātū, ki ōna manako anō hoki, kia ora tautini tēnei reo waiwaiā o tātou.

Hei Mahi Whakarongo

I te rangi nei ka rongo tātou i ngā kōrero a Wharehuia Milroy e pā ana ki ētehi o ngā mahi i mahia ai i te wā e tamariki ana rātou.

Anei ngā pātai hei whakautu mā koutou:

- 1) He aha te mahi i tōminatia rā e Wharehuia nōna e tamariki ana?
- 2) He tamaiti pēhea nei ia?
- 3) I ahatia e rātou ngā mōkai?

Anei rā te koroua e kaingākau nuitia ana e te tini, e te mano.

He Whakamārama

Haututū ai mātou. (hei upoko)

Ko te tikanga o tēnei whakamahinga o te pū 'ai', he rite tonu te mahia o te mahi, o te āhua rānei ka noho ki mua i te pū 'ai'.

Haere mai ki tō mātou whare, moe ai. (hei whiore)

Ko te tikanga o tēnei whakamahinga o te pū 'ai', he rite tonu ki te 'ki te'. Anei tōna ritenga: Haere mai ki tō mātou whare, **ki te** moe.

He Mahi ĩ-papa

Tuhia he rerenga kōrero hei whakatauiria i te kōrero kei roto i te ĩ-papa:

tūmahi + ai (hei whiore)

Hei Mahi

Whakamāoritia ēnei rerenga kōrero e whai ake nei.

1. We always go to the beach in summer.
2. Come over to my place for dinner tonight.
3. I go to Cross Fit on Mondays.
4. I like going to the town library, to read.
5. My toddler sleeps in our bed.

Whakautu:

Mahi ĩ-papa: Haere mai ki konei, noho ai. / Kaua e haere mai ki konei, amuamu ai.

1. Haere ai mātou ki tātahi i te raumati.

2. Haere mai ki tōku, kai ai ā te pō nei.

3. Ia Rāhina, haere ai au ki te whakapakari tinana. / Haere ai au ki te whakapakari tinana i ngā Rāhina.

4. He pai ki a au te haere ki te whare pukapuka i te taone, pānui ai.

5. Moe ai tā māua tamaiti ki tō māua moenga.